

Powšitkowne WOZJEWJENJA

njedźelu, 2. februara 2025

Boža mša na wopomnjenskim dnju zbóžneho Alojsa

Na swjedžensku Božu mšu na wopomnjenskim dnju zbóžneho martrarja Alojsa Andrickeho su wěriwi pónđzelu, 3. februara, we 18.30 hodź. do Radworja prošeni. Swjedženski předar budže farar Matthias Kocner z Budyšina. Kemše wuhotuja Radworski němski cyrkwinski chór kaž tež wosadni dujerjo. Po kemšach je šijeswjećenje.

Hłowna a wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow na swoju hłownu a wólbnu zhromadźiznu štwórtk, 13. februara, do Chrósćic. Započnjemy z Božej mšu we 18.00 hodź. w cyrkwi. Přizamknje so zhromadźizna na farje. Do hłowneje zhromadźizny a po njej změja člonojo składnosć, swój lětny přinošk džesać eurow zapłaćić.

TCM přeprošuje na wulět do Eichsfelda

Sekcija wěda a skutk Towarstwa Cyrila a Metoda z.t. (TCM) přewjedže wot pónđzele, 29. septembra, do pjatka, 3. oktobra, wulět přez Helfta a Bad Frankenhausen do Heiligenstadta. Wottam poda so skupina na wšelake městna Eichsfelda kaž tež do Göttingena. Zajimcy měli so hač do pjatka, 28. februara, w redakciji Katolskeho Posoła přizjewić, telefonowe čisło (0 35 91) 55 02 10. Zdobom měli potom na konto TCM 200,00 eurow napłaćić: Cyrill-Methodius-Verein e.V., IBAN: DE65 7509 0300 0008 2823 66, hesło: „Eichsfeld“. Dale měli zajimcy zawěšćenje w padže njenastupa jězby (Reiserücktrittsversicherung) wotzamknýć. Štóž ma k tomu prašenja, njech wobroći so na Jurja Špitanka w Zejicach, telefonowe čisło (03 57 96) 9 63 47.

Modlenje w Róžeńće

Na modlenje před Najswjećišim kaž tež róžowca su wěriwi sobotu, 8. februara, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

Serbska putniska jězba

Na serbsku putnisku jězbu do Weserskich horin wot pónđzele do štwórtka, 14. do 17. julija, přeprošuje Radworske Šmitec-Schwarzec busowe wozydłownistwo. Duchowny nawod změje farar Gabriš Nawka. Přizjewjenja přijimuja w Radworju, telefonowe čisło (03 59 35) 28 60.

„Pój, wjesel so!“ – Zhromadny dzeń za 1. a 2. lětnik

Pod hesłom „Pój, wjesel so!“ su džěci 1. a 2. lětnika w zymskich prózdnicach do Don Boskoweho domu we Worklecach přeprošene. Zarjadowani wotmějetej so po wutoromaj, 18. kaž tež 25. februara, wot 9.00 do 15.00 hodź. Přizjewjenje je hač do njedzele, 9. februara móžne. Njech so džěci póstnisce předrasća. Swójski přinošk wučinja pjeć eurow. Link k přizjewjenju je pod www.posol.de wozjewjenju.

Přednošk wo pianistce Alice Herz-Sommer

Gabriela Pappai přednošuje sobotu, 8. februara, w 19.45 hodž we wobłuku Kulturneje zymy w putniskej hospodže Moniki Gerdesoweje w Chróscicach k temje „Židowski potret: Pianistka Alice Herz-Sommer“. Hižo w 16.00 hodž. čita hosćicielka džěcom bajku. Wšitcy zajimcy su wutrobnje přeprošeni.

Pytaja wosobu za fachowe hladanje

Dom swjateje Ludmile w Chróscicach poskića džěłowe městno fachoweho hladarja starych ludži. Wone hodži so hnydom wobsadzić. Džěło płaci so po tarifowych rjadowanjach Carity. Požadanja přijimuju z póštu abo z mejlku na hl-stl@caritas-ddm.de. Nadrobniše informacije poda nawodnica Mónica Wencłowa, telefonowe čisło (03 57 96) 94 73 30.

Knižne předstajenje a zakónčace zarjadowanje

W Budyskim Serbskim muzeju předstaja srjedu, 5. februara, w 17.00 hodž. wosebity zešiwk publikaciskeho rjadu Choćebuskich łopjenow pod titulom „Jan Buk. Po puću k wuměłstwu. Po wuhlu.“ Němskorěčna publikacija wuńdže loni nazymu składnostnje wulkoprojekta „Wšo je krajina. Serbski moler Jan Buk“ a woprijima wšitke referaty a přinoški, kotrež buchu 2023 na wědomostnymaj sympozijomaj w Budyšinje a Choćebuzu wozjewjene.

Přednošk wo Jurju Wawriku

K temje „Pěši do Roma. Jurja Wawrikowy putniski dženík z lěta 1842“ přednošuje dr. Lubina Malinkowa z Budyskeho Serbskeho instituta wutoru, 11. februara, w 19.00 hodž. na žurli Budyskeho Zwjazka archiwow na Hrodowej 12. Zastup je darmotny.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Štóz chcył wukubłanje absolwować, měł so pola hospicneje služby Carity w Kamjencu přizjewić. Link k nadrobnym informacijam je pod www.posol.de podaty.

Putniska jězba do Lourdesa a La Salette

Na putnisku jězbu do Lourdesa a La Salette wot pjatka do njedzele, 16.do 25. meje, přeprošuje Šěrachowski pućowanski běrow A-Teams. Wobdžělnicy wopytaja mjez druhim tež Monaco a Avignon. Dalše informacije a přizjewjenja dóstanu zajimcy pola Matthiasa Hadanka w Hórkach pod telefonowym čisłom (01 63) 7 33 82 05 abo w interneće pod www.ateams.de.